



অবিলম্বে প্রকাশের উদ্দেশ্যে: 10/12/2023

গভর্নর ক্যাথি হোকল

নিউ ইয়র্ক স্টেটে নবায়নযোগ্য শক্তির শিল্পখাত সম্প্রসারণ করা এবং উচ্চ-মানসম্মত নির্মল কর্মসংস্থানে সহায়তা করার জন্য 10টি পয়েন্ট বিশিষ্ট নতুন কর্মপরিকল্পনা সম্পর্কে গভর্নর হোকলের ঘোষণা

ভবিষ্যতে শিল্পখাতের সমৃদ্ধির ভিত্তি স্থাপন করতে স্টেটের সমন্বিত পদক্ষেপসমূহের রূপরেখা তুলে ধরা হয়েছে

নিউ ইয়র্কের জলবায়ু লক্ষ্যসমূহ অর্জনের ক্ষেত্রে অগ্রগতিকে সমর্থন করছে, যেসব লক্ষ্যের মধ্যে 2030 সালের মধ্যে স্টেটের 70 শতাংশ বিদ্যুৎ নবায়নযোগ্য উৎস থেকে সংগ্রহ করা অন্তর্ভুক্ত রয়েছে

গভর্নর হোকল আজ নিউ ইয়র্কে ক্রমবর্ধমান বড়-মাত্রার নবায়নযোগ্য শক্তি শিল্পখাতকে সম্প্রসারণ ও সহায়তা করার জন্য 10টি পয়েন্ট বিশিষ্ট একটি নতুন কর্মপরিকল্পনা প্রকাশের ঘোষণা দিয়েছেন, যা জলবায়ু লক্ষ্যসমূহ অর্জনের জন্য স্টেটের অঙ্গীকারাবদ্ধতা পুনরায় নিশ্চিত করছে। এই পরিকল্পনায় স্টেটের ক্রমবর্ধমান নির্মল জ্বালানি অর্থনীতি এবং নবায়নযোগ্য শক্তি খাতকে সম্প্রসারণ করার মাধ্যমে সব নিউ ইয়র্কবাসীর জন্য একটি টেকসই ভবিষ্যতের ভিত্তি স্থাপন করার জন্য গ্রহণ করতে যাওয়া কিছু সমন্বিত পদক্ষেপের রূপরেখা তুলে ধরা হয়েছে।

“নবায়নযোগ্য শক্তি খাতের সম্প্রসারণের জন্য শক্তিশালী, অব্যাহত সহায়তা আমার সবুজ অর্থনীতির পূর্ণ সম্ভাবনা কাজে লাগানো এবং নিউ ইয়র্কবাসীদেরকে জলবায়ু সংকট থেকে সুরক্ষিত রাখার জন্য অত্যন্ত গুরুত্বপূর্ণ,” বলেছেন গভর্নর হোকল। “10টি পয়েন্ট বিশিষ্ট এই কর্মপরিকল্পনা দেশজুড়ে এই খাতটি যেসব চ্যালেঞ্জের সম্মুখীন হচ্ছে সেগুলো মোকাবেলার জন্য আমাদের অঙ্গীকারাবদ্ধতাকে বিশেষভাবে তুলে ধরছে এবং সব নিউ ইয়র্কবাসীর জন্য সাশ্রয়ী ও নির্মল জ্বালানি প্রদান করার জন্য আমাদের প্রচেষ্টা বৃদ্ধি করার জন্য আমাদের সংকল্পকে আরো সুদৃঢ় করছে।”

আজ প্রকাশিত হওয়া এই [10 পয়েন্ট বিশিষ্ট কর্মপরিকল্পনায়](#) আগামী মাসগুলোতে সম্পন্ন হতে যাওয়া বেশ কিছু ধারাবাহিক বেক্সমার্ক ও ক্রিয়াকলাপ সম্পর্কে বিস্তারিত তথ্য তুলে ধরা হয়েছে, যা গভর্নরের প্রশাসন কিভাবে নবায়নযোগ্য শক্তি খাতকে প্রভাবিত করা সাম্প্রতিক সামষ্টিক অর্থনৈতিক ও মুদ্রাস্ফীতি সংক্রান্ত চ্যালেঞ্জগুলো থেকে উত্তরণের পরিকল্পনা করছে সে সম্পর্কিত অন্তর্দৃষ্টি প্রদান করবে।

পদক্ষেপ 1: অদূর ভবিষ্যতে NYSERDA সাপ্লাই চেইন খাতে বড় আকারের বিনিয়োগের পাশাপাশি অফশোর ও অনশোর নবায়নযোগ্য শক্তির প্রকল্পগুলোর জন্য ঐতিহাসিক কিছু বরাদ্দ ঘোষণা করবে। এসব অনুদান এখন পর্যন্ত কোনো স্টেট কর্তৃক এযাবতকালের সর্ববৃহৎ নবায়নযোগ্য শক্তি ক্রয় করাকে নির্দেশ করবে এবং নবায়নযোগ্য শক্তির প্রকল্পগুলোতে সহায়তা করা এবং বড় আকারে নবায়নযোগ্য শক্তির প্রসার ঘটানোর জন্য নিউ ইয়র্ক স্টেটের অঙ্গীকারাবদ্ধতা প্রদর্শন করবে।

পদক্ষেপ 2: NYSERDA 2023 সালের অক্টোবর মাসে জারিকৃত পাবলিক সার্ভিস কমিশন (PSC) আদেশের নির্দেশনাসমূহ মেনে চলবে এবং দ্রুততম সময়ের মধ্যে এটির বড়া আকারের নবায়নযোগ্য চুক্তিবদ্ধ পোর্টফোলিওর উপর প্রভাবসমূহ মূল্যায়ন করবে।

পদক্ষেপ 3: NYSERDA অফশোর এবং অনশোর উভয় ধরনের নবায়নযোগ্য শক্তি প্রকল্পের জন্য নবায়নযোগ্য শক্তি ক্রয়ের একটি ত্বরান্বিত প্রক্রিয়া চালু করবে, যেটির লক্ষ্য থাকবে বাতিল হয়ে যাওয়া যেকোনো চুক্তিবদ্ধ প্রকল্পের ঘাটতি পূরণ করা। মূল নীতিমালাসমূহ এই প্রক্রিয়ায় দিকনির্দেশনামূলক ভূমিকা পালন করবে, যার মধ্যে প্রতিযোগিতাকে অগ্রাধিকার দেওয়া, বিড করার শর্তসমূহ সহজতর করা, মুদ্রাস্ফীতির সূচক একীভূত করা, গুরুত্বপূর্ণ শ্রমিক সুরক্ষা বাস্তবায়ন করা এবং ত্বরান্বিত ক্রয় প্রক্রিয়ার সময় ন্যূনতম পর্যায়ে রাখার জন্য শিল্পখাতের সঙ্গে সহযোগিতা হয়ে কাজ করা এবং একইসাথে চলমান পরিবহন পরিকল্পনার উদ্যোগসমূহের সঙ্গে সমন্বয় রক্ষা, ইত্যাদি অন্তর্ভুক্ত রয়েছে।

পদক্ষেপ 4: নিউ ইয়র্ক বাজার সমাধানগুলো সামনে নিয়ে আসার জন্য ফেডারেল সরকারের সঙ্গে সক্রিয় সম্পৃক্ততা অব্যাহত রাখবে, যার মধ্যে বড় আকারের নবায়নযোগ্য প্রকল্পগুলোর জন্য কম খরচে অর্থায়নের অ্যাক্সেস পেতে যুক্তরাষ্ট্রের জ্বালানি বিভাগের (Department of Energy, DOE) ঋণ কর্মসূচি বিষয়ক দপ্তরের (Loan Programs Office) সঙ্গে একটি সমঝোতার স্মারকলিপি (MOU) প্রতিষ্ঠা করা থেকে শুরু করে নির্মল জ্বালানি কর ক্রেডিট সম্পর্কে হালনাগাদকৃত নির্দেশনা প্রদান এবং একটি ফেডারেল-স্টেট রাজস্ব শেয়ার করার কর্মসূচির জন্য সমর্থন প্রদান অন্তর্ভুক্ত রয়েছে।

পদক্ষেপ 5: নিউ ইয়র্ক স্টেটজুড়ে একটি ঐতিহাসিক পরিবহন কাঠামো নির্মাণের জন্য বিনিয়োগ করছে এবং সক্রিয় পরিকল্পনা গ্রহণ করেছে, যার মধ্যে আপস্টেট এলাকাগুলোতে নির্মল জ্বালানি একীভূতকরণে সহায়তা করার জন্য 62টি স্থানীয় পরিবহন প্রকল্পে 4.4 বিলিয়ন ডলার; লং আইল্যান্ড এবং নিউ ইয়র্ক সিটির জন্য অফশোর বায়ুশক্তি একীভূত করা এবং নির্ভরযোগ্যতা বৃদ্ধি করার জন্য পরিবহন উন্নত করতে 4.1 বিলিয়ন ডলার; নিউ ইয়র্ক সিটির অফশোর বায়ুশক্তির চাহিদা পূরণের জন্য বাড়তি সমাধানসমূহ সন্ধান করা; এবং খরচ কমানোর জন্য আন্তঃআঞ্চলিক পরিবহনের ব্যাপারে অন্যান্য স্টেট এবং ফেডারেল সংস্থার সঙ্গে সহযোগিতার সম্পর্ক স্থাপন করা অন্তর্ভুক্ত রয়েছে।

পদক্ষেপ 6: নিউ ইয়র্ক বাজারের আকার বড় করে তুলতে, কর্মদক্ষতা অর্জন করতে এবং খরচ কমাতে সাহায্য করার জন্য একটি সাপ্লাই চেইন বাস্তবায়ন প্রতিষ্ঠা করা এবং সেটির বেড়ে উঠার জন্য সহায়তা করছে। স্টেট অফশোর বায়ুশক্তির সাপ্লাই চেইন অবকাঠামোর জন্য 700

মিলিয়ন ডলার বিনিয়োগ করছে এবং একইসাথে যুক্তরাষ্ট্রের একটি সাপ্লাই চেইনের জন্য একটি শেয়ার করা রূপকল্পের মাধ্যমে সহযোগিতার সম্পর্ক স্থাপন করতে এবং খরচ কমিয়ে আনতে অন্যান্য স্টেটের সঙ্গেও কাজ করছে।

পদক্ষেপ 7: নিউ ইয়র্ক এটির নির্মল জ্বালানি খাতের কর্মীদের গড়ে তোলা এবং সম্প্রসারণ করার জন্য অঙ্গীকারাবদ্ধ রয়েছে। এখন পর্যন্ত NYSERDA কর্মীদের উন্নয়ন এবং প্রশিক্ষণ সংক্রান্ত উদ্যোগগুলোর জন্য 170 মিলিয়ন ডলারেরও বেশি প্রদানের অঙ্গীকার করেছে, যা অগ্রাধিকারপ্রাপ্ত জনগোষ্ঠী, সুবিধাবঞ্চিত কমিউনিটিগুলোকে উপকৃত করা এবং জীবাশ্ম জ্বালানি খাতের কর্মীদেরকে নির্মল জ্বালানি খাতে ক্যারিয়ার গঠনের দিকে নিয়ে যাওয়ায় অগ্রাধিকার দিচ্ছে। 2024 সাল থেকে শুরু করে, নিউ ইউর্ক পাওয়ার অথরিটি (New York Power Authority, NYPA) নবায়নযোগ্য শক্তির কর্মসংস্থানের প্রশিক্ষণের জন্য শ্রম বিভাগকে (Department of Labor) প্রতি বছর 25 মিলিয়ন ডলার পর্যন্ত অনুদান প্রদান করার মাধ্যমে এই অঙ্গীকারাবদ্ধতাকে আরো জোরদার করবে, যা জ্বালানি খাতের কর্মীদের জন্য একটি ন্যায্য উত্তরণ নিশ্চিত করবে। এছাড়াও, NYSERDA নিউ ইয়র্কের বড় আকারের নবায়নযোগ্য শক্তির শিল্পখাতে কর্মীদের উন্নয়ন, অন্তর্ভুক্তি, ও সমতাকে অগ্রাধিকার দেওয়ার ক্ষেত্রে অগ্রণী ভূমিকা পালন করছে।

পদক্ষেপ 8: নিউ ইয়র্ক 2022 সালে অফশোর বায়ুশক্তি সংক্রান্ত মাস্টার প্ল্যান 2.0 চালু করেছে, যেটি অফশোর বায়ুশক্তি উন্নয়নের জন্য একটি ভবিষ্যত পরিকল্পনা প্রদান করবে, যার মধ্যে আরো গভীর পানিতে বায়ুশক্তি উন্নয়ন অন্তর্ভুক্ত রয়েছে, যা এই শিল্পখাতের সম্প্রসারণ এবং আঞ্চলিক উন্নয়নের লক্ষ্যসমূহ পূরণের সক্ষমতা অর্জনের সুযোগ তৈরি করবে। উপলভ্য লিজ এলাকাগুলোর জন্য পরিকল্পনা প্রণয়ন করা এবং সেগুলো বৃদ্ধি করার প্রচেষ্টার মাধ্যমে নিউ ইয়র্ক প্রকল্পগুলো বাস্তবায়নের জন্য অপরিহার্য অফশোর এলাকার অ্যাক্সেস সম্প্রসারণ করবে, বাজারে প্রতিযোগিতা বৃদ্ধি করবে এবং ডেভেলপারদের সংখ্যা বৃদ্ধি করবে এবং সেইসাথে ব্যয় কমানোর জন্য নতুন আইডিয়া ও উদ্ভাবনসমূহের সূচনা করবে।

পদক্ষেপ 9: নিউ ইয়র্ক শিল্পখাতের স্টেকহোল্ডারদের সঙ্গে সক্রিয় সম্পৃক্ততা বজায় রাখছে এবং আমাদের নির্মল জ্বালানি বিষয়ক কর্মকৌশল নির্ধারণের জন্য মতামত সংগ্রহ করতে আয়োজিত গোলটেবিল আলোচনার মাধ্যমে পাওয়া PSC আদেশ অনুসরণ করে এধরনের প্রচার কার্যক্রম বৃদ্ধি করবে।

পদক্ষেপ 10: আমাদের নির্মল জ্বালানি বিষয়ক উদ্যোগগুলো বাস্তবায়নের জন্য বিভিন্ন স্টেকহোল্ডারদের সম্পৃক্ত করার গুরুত্ব স্বীকার করে নিয়ে নিউ ইয়র্ক জনসাধারণের সম্পৃক্ততা, স্বচ্ছতা, এবং সহযোগিতা বৃদ্ধির জন্য গভীরভাবে অঙ্গীকারাবদ্ধ রয়েছে।

NYSERDA-এর প্রেসিডেন্ট ও CEO ডোরিন এম. হ্যারিস বলেন, “NYSERDA নিউ ইয়র্কবাসীর পক্ষ থেকে নবায়নযোগ্য শক্তির প্রকল্পগুলো উন্নয়নের জন্য এটির অঙ্গীকারাবদ্ধতায় অবিচল রয়েছে এবং একটি প্রাণবন্ত নবায়নযোগ্য শক্তির শিল্পখাত গড়ে তোলার জন্য গভর্নর হোকলের কৌশলগত রূপকল্পটি ফলপ্রসূভাবে ধারণ করা এই পরিকল্পনা তুলে ধরতে পেরে গর্বিত। আগামী মাসগুলোতে, প্রতিনিয়ত পরিবর্তনশীল নবায়নযোগ্য শক্তির বাজারে কিভাবে সামষ্টিকভাবে রিক্যালিব্রেন্ট করতে হয় এবং একটি সমন্বিত, ব্যয়-সাশ্রয়ী ও

দায়িত্বপূর্ণ উপায়ে জ্বালানি ও সাপ্লাই চেইন সংক্রান্ত ক্রমবর্ধমান চ্যালেঞ্জগুলো সামনে থেকে মোকাবেলা করতে হয় তা আমরা জাতির সামনে তুলে ধরবো।”

এই কর্মপরিকল্পনা নির্মল জ্বালানি উন্নয়ন, স্থায়িত্ব, ও অর্থনৈতিক সমৃদ্ধির প্রতি নিউ ইয়র্ক স্টেটের নিবেদিত মনোভাবকে জোরদার করতে ভূমিকা রাখছে এবং জলবায়ু লক্ষ্যসমূহ অর্জনের জন্য স্টেটের অগ্রগতিতে সহায়তা করছে, যেসব লক্ষ্যের মধ্যে 2030 সালের মধ্যে স্টেটের 70 শতাংশ বিদ্যুৎ নবায়নযোগ্য উৎস থেকে সংগ্রহ করা অন্তর্ভুক্ত রয়েছে।

নিউ ইয়র্ক স্টেটের দেশ-নেতৃস্থানীয় জলবায়ু পরিকল্পনা

নিউ ইয়র্ক স্টেটের দেশ-নেতৃস্থানীয় জলবায়ুর এজেন্ডা একটি সুশৃঙ্খল এবং ন্যায্য পরিবর্তন করার আহ্বান জানায় যা পরিবারকে টিকিয়ে রাখার কর্মসংস্থা তৈরি করে, সকল সেক্টরে একটি গ্রিন ইকোনমি গড়ে তোলাকে অব্যাহত রাখে এবং নিশ্চিত করে যে 40 শতাংশের লক্ষ্য রেখে কমপক্ষে 35 শতাংশের পরিচ্ছন্ন শক্তির বিনিয়োগের সুবিধাগুলো সুবিধাবঞ্চিত কমিউনিটির দিকে পরিচালিত হয়। দেশের সবচেয়ে আগ্রাসী জলবায়ু ও নির্মল জ্বালানি উদ্যোগগুলোর দিকনির্দেশনায়, নিউ ইয়র্ক 2040 সালের মধ্যে শূন্য-নির্গমনসম্পন্ন বিদ্যুৎ খাত অর্জনের পথে রয়েছে, যার মধ্যে 2030 সালের মধ্যে 70 শতাংশ নবায়নযোগ্য শক্তি উৎপাদন এবং শতাব্দীর মাঝামাঝি সময়ের মধ্যে অর্থনীতিজুড়ে কার্বন নিরপেক্ষতা অর্জন করা অন্তর্ভুক্ত রয়েছে। এই পরিবর্তনের একটি ভিত্তি হলো নিউ ইয়র্কের অভূতপূর্ব নির্মল জ্বালানি বিনিয়োগ, যার মধ্যে রয়েছে স্টেট জুড়ে 120টি বড়-মাত্রার নবায়নযোগ্য ও বিতরণের প্রকল্পে 35 বিলিয়ন মার্কিন ডলারের বেশি, বিল্ডিং থেকে নির্গমন হ্রাস করার জন্য 6.8 বিলিয়ন মার্কিন ডলার, সৌর বিদ্যুতের মাত্রা বৃদ্ধি করার জন্য 3.3 বিলিয়ন মার্কিন ডলার, নির্মল পরিবহন উদ্যোগের জন্য 1 বিলিয়ন মার্কিন ডলারের বেশি, এবং NY গ্রীন ব্যাংক-এর প্রতিশ্রুতিতে 2 বিলিয়ন মার্কিন ডলারের বেশি বিনিয়োগ। এগুলো ও অন্যান্য বিনিয়োগ 2021 সালে নিউ ইয়র্কের নির্মল জ্বালানি খাতে 165,000 এরও বেশি চাকরি, এবং 2011 সাল থেকে বিতরণকৃত সৌর খাতে 3,000 শতাংশের বেশি প্রবৃদ্ধিতে সহায়তা করেছে। এছাড়া, গ্রিনহাউস গ্যাস নির্গমন কমানো এবং বায়ুর মান উন্নত করার জন্য, নিউ ইয়র্ক শূন্য-নির্গমনসম্পন্ন যানবাহন সম্পর্কিত বিধিমালা গ্রহণ করেছে, যার মধ্যে 2035 সালের মধ্যে স্টেটে বিক্রি হওয়া সব যাত্রীবাহী গাড়ি ও হালকা ট্রাক শূন্য-নির্গমনসম্পন্ন হওয়া আবশ্যিক হওয়ার বিষয়টি অন্তর্ভুক্ত রয়েছে। অংশীদারিত্বগুলো বায়ু দূষণকে টার্গেট করতে এবং জলবায়ু পরিবর্তনের বিরুদ্ধে লড়াইয়ে সাহায্য করার জন্য স্টেটজুড়ে প্রায় 400টি নিবন্ধিত ও 100টির বেশি সার্টিফাইড ক্লাইমেট স্মার্ট কমিউনিটি, প্রায় 500টি ক্লিন এনার্জি কমিউনিটি এবং 10টি সুবিধাবঞ্চিত কমিউনিটিতে স্টেটের বৃহত্তম কমিউনিটি এয়ার মনিটরিং ইনিশিয়েটিভের মাধ্যমে নিউ ইয়র্কের জলবায়ু পদক্ষেপকে এগিয়ে নিয়ে যাচ্ছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)